

Keating tetap diminta mohon maaf secara terbuka

BH 4 DEC 1993

KUALA LUMPUR, **Ju-
maat** — Beberapa pemim-
pin kerajaan, politik dan
pertubuhan mahu Australia
mengambil tindakan
positif ke arah memulih-
kan hubungan dengan
Malaysia yang keruh ber-
ikutan tindakan Perdana
Menterinya, Paul Keating,
mengecam Datuk
Seri Dr Mahathir Moha-
mad, baru-baru ini.

Mereka berpendapat
langkah Keating meng-
hantar surat kepada Dr
Mahathir bagi memberi
penjelasan berhubung
kontroversi itu belum cu-
kup. Mereka juga menun-
tut supaya Keating memo-
hon maaf secara terbuka.

Menteri Pengangkutan,
Datuk Seri Dr Ling Liong
Sik, berkata keputusan
Keating menghantar su-
rat kepada Dr Mahathir
bagi menjelaskan kea-
daan sebenar masih be-
lum cukup bagi memulih-
kan keadaan.

Menurutnya, penjelas-
an itu memang sesuatu
yang baik, tetapi adalah
lebih wajar bagi Keating
'melangkah setapak lagi
untuk tujuan memohon
maaf secara terbuka di
atas keterlanjuran itu.

"Sebagai manusia
biasa, kita memang tidak
lari daripada membuat
kesilapan dan apabila ini
dilakukan, seseorang itu
hendaklah menerima ha-
kikat serta membetulkan
keadaan," katanya.

Ketika ditemui selepas
majlis penyampaian sijil
kepada peserta kursus
masakan dan pakaian an-
juran Wanita MCA petang
ini, Dr Ling berkata, ba-
nyak pihak termasuk In-
donesia sudah menasih-
kan apa yang sepatutnya
dilakukan oleh Australia
bagi memulihkan kea-
daan.

Menteri Luar, Datuk
Abdullah Ahmad Badawi,
pula berkata Australia
perlu memulakan langkah
memperbaiki hubungan
dengan Malaysia kerana
keadaan yang dihadapi
sekarang adalah ekoran
tindakan negara itu sendi-
ri.

Katanya, jika Australia
mahu menjalinkan hubu-
ngan baik, negara itu hen-
daklah berusaha ke arah-
nya.

Hubungan antara ke-
dua-dua negara renggang
berikutan kenyataan Per-
dana Menteri Paul Keating
yang menyifatkan Dr
Mahathir sebagai 'keras
kepala kerana tidak
menghadiri sidang Apec
di Seattle bulan lalu.

Keadaan bertambah
keruh apabila media massa
Australia turut menge-
cam Malaysia dan meng-
kritik Dr Mahathir secara
peribadi.

"Terpulanglah kepada
Australia sendiri untuk
mengusahakan jika mahu
hubungan baik dipulih-
kan," kata Abdullah kepa-
da pemberita apabila di-
tanya mengenai laporan
yang mengatakan Keating
telah mengutus surat pe-
ribadi kepada Dr Ma-
hathir.

Keating dikatakan
memberi penjelasan da-
lam surat itu bahawa be-
liau tidak berniat untuk
menyinggung perasaan
Dr Mahathir dengan ken-
yataannya.

Abdullah mengesahkan
surat itu telahpun diteri-
ma dan dikirimkan kepa-
da Dr Mahathir yang kini
berada di Langkawi.

Wisma Putra juga telah
menerima satu kenyataan
dari Canberra yang men-
jelaskan kedudukan kera-
jaan Australia mengenai
perkara itu.

Terdahulu itu, Abdul-
lah memberi taklimat me-
ngenai perkembangan
mutakhir hubungan Ma-
laysia-Australia kepada
rombongan Pergerakan
Pemuda Umno seramai
enam orang yang dipim-
pin Naib Ketuanya, Sena-
tor Datuk Nazri Tan Sri
Aziz.

Dalam pertemuan sete-
ngah jam itu, beliau men-
jelaskan langkah-langkah
yang telah diambil Wisma
Putra untuk menangani
isu itu.

Abdullah berkata ke-
renggangan yang timbul
disebabkan kenyataan

Keating 'yang tidak sepa-
tutnya terbit daripada se-
orang ketua kerajaan ter-
hadap rakan sejawatnya.'

Pemuda Umno menun-
tut Keating memohon
maaf dan jika beliau gagal
berbuat, Kerajaan Malay-
sia hendaklah menurunkan
taraf hubungan de-
ngan Australia.

Pengerusi Kelab Peny-
kong Kerajaan (BBC),
Shahidan Kassim, berka-
ta pihaknya tetap berpen-
dirian bahawa Keating
perlu meminta maaf dan
bukan hanya sekadar
memberi penjelasan.

"Kita sebagai rakyat
Malaysia tidak boleh se-
kadar menerima penjelas-
an semata-mata kerana
perbuatannya itu memba-
bitkan maruah Perdana
Menteri dan rakyat Ma-
laysia.

"Sama ada dia berniat
atau tidak, itu bukan pe-
soalannya, tetapi dia su-
dah terlanjur membidas
Perdana Menteri dengan
perkataan yang tidak ber-
moral walaupun menyed-
ari ia memabitkan hu-
bungan antarabangsa.

"Ini adalah sesuatu
yang tidak boleh diterima
dan hanya boleh disele-
saikan jika Keating me-
minta maaf secara terbu-
ka kepada Perdana
Menteri. Kita mendesak
dia berbuat demikian,"
katanya.

Semalam, Paul Keating
mengutus surat kepada
Dr Mahathir bagi menje-
laskan beliau tidak per-
nah berniat menimbulkan
kemarahannya apabila
menggambarkannya se-
bagai 'keras kepala.

Shahidan berkata, tin-
dak-tanduk Keating itu
sebenarnya cuba menu-
tup kesalahannya sendiri
selepas menerima keca-
man daripada pelbagai pi-
hak termasuk ahli perni-
agaan Australia.

Menurutnya, maklum
balas yang diterima me-
nunjukkan Keating ada-
lah Perdana Menteri yang
tidak popular dan dijang-
ka menghadapi masalah
mempertahankan kedu-
dukannya dalam pilihan

raya akan datang.

"Oleh itu, kita berpen-
dapat Keating memula-
kan isu ini kerana cuba
mengeksplloitnya untuk
kepentingan politik tetapi
gagal kerana semua pihak
mulai mengecamnya," ka-
tanya.

Shahidan turut memi-
nta rakyat Malaysia, agensi
kerajaan termasuk badan
berkanun bertindak tegas
dengan menghentikan hu-
bungan sosial, perdag-
angan dan pendidikan de-
ngan Australia.

Presiden Perhimpunan
Belia Sedunia (WAY), Da-
tuk Mohd Ali Rustam, se-
pendapat dengan Abdul
Rahim dan meminta supa-
ya Keating meminta maaf
demi kepentingan masya-
rakat peniaga dan golong-
an belia di Australia.

Menurutnya, masyara-
kat peniaga dan belia di
negara itu kini berasa
bimbang dengan keadaan
yang dialami sekarang
walaupun Dr Mahathir ti-
dak meminta Keating me-
mohon maaf daripadanya.

"Demi kepentingan ma-
syarakat peniaga dan golong-
an belia di Australia,
adalah wajar sekiranya
Keating meminta maaf
daripada Dr Mahathir un-
tuk membaiki dan mengu-
rangkan situasi tegang,"
katanya.

Mohd Ali menganggap
keadaan yang dialami se-
karang berikutan kenya-
taan Keating terhadap Dr
Mahathir baru-baru ini
boleh menjejaskan hu-
bungan antarabangsa ke-
dua-dua negara.

Setiausaha Agung Ang-
katan Belia Islam Malay-
sia (Abim), Ahmad Azam
Abdul Rahman, berkata
berkata tindakan Keating
menunjukkan beliau mu-
lai menyedari kesilapan-
nya sendiri.

"Kecaman pelbagai pi-
hak mungkin menyedar-
kan Keating bahawa tin-
dakannya menghentam
Perdana Menteri bukan-
lah langkah yang bijak
malah boleh menjejaskan
lagi imej dan hubungan
antarabangsa Australia.